



INSTITUTE FOR THE RESEARCH OF GENOCIDE
CANADA

POZIV NA AKCIJU – Registrujte se za glasanje u Prijedoru

Genocid i drugi oblici zločina protiv čovječnosti i međunarodnog prava su na području općine Prijedor trajali kontinuirano u periodu 1992-1995, kada je ubijeno 102 djece, 256 žena, ukupno 3.173 civila, 31.000 ljudi je zatočeno u koncentracionim logorima smrti, 53.000 osoba su žrtve progona i deportacije. U samo tri mjeseca je istrebljeno 94 posto Bošnjaka.

Genocid u Prijedoru je razmatran na Međunarodnom krivičnom tribunalu za područje bivše Jugoslavije u Hagu međupresudom Slobodanu Miloševiću i optužnicama protiv Radovana Karadžića i Ratka Mladića. Za genocid u Prijedoru dosada je osuđeno 28 osoba, najviše na Međunarodnom krivičnom tribunalu za područje bivše Jugoslavije u Hagu. No, procesuiranjem genocida u Prijedoru bavili su se i Sud Bosne i Hercegovine, te Okružni sud u Banjoj Luci.

Dvadeset godina poslije, genocid u Prijedoru se nastavlja drugim sredstvima. Preživjele žrtve nemaju pravo obilježiti istinu o tim zločinima, nemaju pravo na pravdu, nemaju pravo da se sjete zločina koji su uzburjali čitav svijet, dokazujući da lekcija iz holokausta nije naučena. Bez istine o genocidu u Prijedoru i pravde za žrtve tih zločina nema istinskog suživota, tako potrebnog za vraćanje onog starog, istinskog grada Prijedora, koji više nije grad, nema Ideje Bosne i Bosanskog duha, nema Bosne i Hercegovine.

Gradonačelnik Prijedora Marko Pavić negira genocid, negira mučenja i ubijanja u koncentracionim logorima smrti, zabranjuje spomen na žrtve genocida. Jedini način da se oslobodimo toga negatora genocida je da na lokalnim izborima Prijedorčani izaberu drugog gradonačelnika.

Institut za istraživanje genocida Kanada, Kongres Bošnjaka Sjeverne Amerike i Savjetodavno vijeće za Bosnu i Hercegovinu pozivaju sve američke i kanadske Bosance iz Prijedora da se registruju za glasanje na općinskim izborima koji će se održati 7. oktobra, tako što će ispuniti formular koji možete pronaći [OVDJE](#).

Posljednji datum za registraciju je 24. juli 2012. godine; da biste se registrovali morate posjedovati ličnu kartu, vozačku dozvolu ili pasoš koji su izdani u BiH. Nakon što popunite predloženi formular, molimo Vas da pošaljete potpisanu kopiju istog zajedno sa kopijom identifikacionog dokumenta na e-mail: ppprijava@izbori.ba ili da potrebne dokumente pošaljete putem telefaksa na broj +387-33-251-333 ili +387-33-251-334.

Oni koji nisu iz Prijedora, ali bi voljeli uzeti učešća u lokalnim izborima, mogu to učiniti ukoliko promjene mjesto prebivališta. U tom slučaju trebaju lično otići u Prijedor i izvaditi novu ličnu kartu koja će im omogućiti da glasaju na općinskim izborima 7. oktobra.



INSTITUTE FOR THE RESEARCH OF GENOCIDE
CANADA

U Sjevernoj Americi živi na hiljade bosanskih Amerikanaca i Kanađana koji su stigli iz Prijedora i preko 250.000 građana bosanskog porijekla. Molimo sve građane da se solidarišu sa građanima Prijedora i pomognu da se ova situacija riješi na pravičan način.

•